

丙

三

癸

十

箕

二


證

養

叢書集成續編

第一〇四冊目錄

文學類



詩文總集——文選

文選箋證三十二卷(二)(卷一六—三二).....

清 胡紹煥撰

聚學軒

一

詩文總集

貴池唐人集十七卷.....

民 劉世珩輯

貴池先哲

二二七

康駢劇談錄二卷補逸文五條.....

唐 康駢撰

二三〇

費冠卿詩集一卷附文一首.....

唐 費冠卿撰

二五三

張祜處士集五卷.....

唐 張祜撰

二五八

周繇詩一卷附文一首.....

唐 周繇撰

二九二

顧雲詩一卷文一卷.....

唐 顧雲撰

二九七

張喬詩一卷附文一首.....

唐 張喬撰

三〇九

唐風集三卷補逸詩九首附錄松窗雜記一卷.....

唐 杜荀鶴撰

三二二

殷文圭詩一卷附文一首.....

唐 殷文圭撰

三五七

伍喬詩一卷.....

南唐 伍喬撰

三六四

吉州二義集.....

民 胡思敬輯

胡氏豫章

三六七

梅邊集一卷補一卷.....

宋 王炎午撰

三七一

澗谷遺集三卷.....

宋 羅椅撰

三八八

清江三孔集三十四卷附校勘記一卷.....

民 胡思敬校

胡氏豫章

四一九

舍人集二卷.....	宋 孔文仲撰	四五
宗伯集十七卷.....	宋 孔武仲撰	四七
朝散集十五卷.....	宋 孔平仲撰	六四〇

vt 86/04

文選箋證卷十六

聚學軒叢書第五集

續溪胡紹煥學

貴池劉世珩校刊

賈誼鵬鳥賦

三年有鵬鳥飛入誼舍止於坐隅鵬似鴟不祥鳥也
史記作有鴟飛入賈生舍楚人命鴟曰服據史記是
服卽鴟楚人命爲服耳鴟經籍屢見而服無專名惟
見於此賦巴蜀異物志鵬鴟體有文色俗因形名之
曰鵬魯頌泮水陸疏鴟惡聲之鳥也賈誼所賦鵬鳥
是也並以鵬鴟爲一鳥漢書改史記楚人命鴟曰服
爲服似鴟是分鵬與鴟爲二鳥而爾雅廣雅俱無鵬
何也此班文失之簡不逮子長者連叢子載孔臧鴟
賦云季夏庚子思道靜居昔在賈生有識之士忌茲
服鳥卒用喪已又云爰有飛鴟集我屋隅合觀所賦
鵬鳥之至皆以庚子曰亦奇

異物來萃兮

注善曰萃集也史記萃作集漢書作辟孟康曰辟聚
集也王氏念孫曰上文祇有一鵬不得言聚集也辟
者止也其字從止故上言止於坐隅廣雅辟待也止
待逗也逗亦止也楚辭天問北至回水萃何喜王注
萃止也史記作集集亦止也非聚集之謂紹煥按陳
風有鴟萃止萃止連文是萃爲止傳萃集也集與止
義同唐風鴟羽之集于苞栩猶小雅縣蠻之止於邱

隅耳

請對以臆

注善曰請以臆中之事以對史記作臆同漢書作意王氏
念孫曰據善注云云則本作意明矣而今本并注皆
改作臆索隱本作意注曰協音臆正義曰協韻音億
則史記正文本作意謂口不能言而以意對也
傳說胥靡兮

注善曰孔安國尙書傳曰傅氏之嚴通道所經有澗
水壞道使胥靡刑人築護此道說賢而隱代胥靡築
之姜氏皋曰墨子尙賢篇昔者傳說居北海之洲圓
土之上衣褐帶索築於傅巖之城荀子儒效篇鄉也

文選箋證卷十六

胥靡之人俄而治天下之大器舉在此是漢以前固
有是說而賈傳亦沿之似僞孔誤也紹煥按呂覽求
人篇傳說殷之胥靡高注胥靡刑徒人也後漢書馬
融傳廣成頌營傳說於胥靡亦同

何異糾經

注善曰字林曰糾兩合繩經三合繩按說文糾經三合
也取經音義十七引倉頡解詁繩三合曰糾是糾爲
三合繩之名三合爲糾則經爲兩合可知易坎係用
微纆劉注兩股爲纆穀梁宣三年注纆用微纆釋文
同疏引易坎釋文二糾繩曰經諸家並以經爲兩合
然則以糾爲兩合經爲三合其說始於字林而本書

征西官屬送於陟陽侯詩注長笛賦注引漢書張晏

注並同

何足控搏
注如渚曰搏音團或作揣按漢書集注引如渚曰揣音團或作搏當從漢書此正文及注皆誤本書幽通賦注引作揣

品庶每生

注善曰每貪也按莊子人間世無門無毒崔譔本毒作每云貪也漢書班固敘傳每生有禍每生亦謂貪生也後漢書孔融贊曰豈有圓利委曲可以每其生哉義亦同字亦作梅楚辭天問穆王巧梅王注梅貪也方言廣雅並云梅貪也貪冒也猶今人言冒昧也每與冒昧皆語之轉

意變齊同

王氏念孫曰意讀億萬年之億史記正作億億變猶上言千變萬化也億變齊同即莊子齊物之旨作意者借字耳劉良注云意與變化齊同失之

休迫之徒

注孟康曰休爲利所誘休也迫迫貧賤也說文詠誘也段注云鵬賦假休爲詠也紹煥按漢書武帝紀休於邪說注今俗猶云相謾休取經音義十六誘古漢文義諸誤二形同書食貨志集注引李奇休誘也並以休爲詠淮南原

道訓休然若有所誘慕休亦誘也高注休然猶惕然失之

或趨東西

王氏念孫曰或趨西東與同爲韻今本作東西由後人不達而妄改耳本書答客難外有廩倉與享爲韻而今本作倉廩皆其類也紹煥按五臣本作西東不誤史記漢書同索隱曰漢書亦有作私東李奇曰私多作西者言東西趨利也私西蓋方俗語言之異窘若囚拘

史記窘作攔漢書作僭旁證云本書吳都賦畢櫨僭束引此作僭玉篇引同云謂肩偃僭也紹煥按集韻引亦作僭而張茂先答何邵詩窘然坐自拘注引又作窘

眾人惑惑兮

注李奇曰惑惑東西也五臣本作或或按李以東西解惑惑則字當作或或謂或東或西也或或爲不定之辭易文言傳或之者疑之也故疑惑之字亦作或好惡積億

注李奇曰所好所惡積之萬億也按錢氏大昕曰億當作意說文意滿也王氏念孫曰言好惡積滿於中也

補正平鸚鵡賦

故其嬉遊高峻

注善曰說文曰嬉樂也按說文嬉卽娛戲也本書上林賦娛遊往來作娛不訓樂六臣本嬉下有許其二字許其正娛字音切良注嬉戲也知正文本作娛俗改作嬉遂改注文戲字爲樂致與許氏不合

采采麗容

注善曰韓詩曰采采衣服薛君曰采采盛貌也按此疑卽小雅大東異文毛作粲粲傳粲粲鮮盛貌與薛義合采粲語之轉曹風蜉蝣采采衣服傳采采眾多也

匪餘年之足惜懋眾雛之無知

文選箋證卷十六

五

余氏音義曰曹植鸚鵡賦豈余身之足惜懋眾雛之未飛紹煥按陳思王年少正平正平卒年僅廿六則此句當爲陳思王所襲

何今日之兩絕

王氏念孫曰王粲贈蔡子篤詩風流雲散一別如雨善注引此賦曰何今日之兩絕又引陳琳檄吳將校曰兩絕於天江淹雜體詩兩絕無還雲善注亦引此賦則善本作兩絕明矣呂向注曰何今日兩相隔絕各在一方然則作兩絕者後人據五臣本改之孫氏志祖曰兩絕漢魏人屢用之未詳其始意林物理論傅子曰母捨己父更嫁他人與己父甚於兩絕天潘

岳楊氏七哀詩淮如葉落樹遶然兩絕天見拜中軍記室賡注紹煥按張載述懷詩雲乖兩絕心乎愴而郭璞詩一乖兩絕天皆用兩絕字

順櫳檻以俯仰

注善曰說文曰櫳房室之疏也楯欄檻也按上云閉以雕籠櫳與籠同說文櫳又櫳檻也與檻下檻櫳也爲互訓眾經音義十引三倉櫳所盛禽獸欄檻也漢書谷永傳音義引字林檻櫳也櫳檻俱鳥之物賦似屬鸚鵡言與房室之疏無涉

想崑山之高嶽

六臣本嶽作峻按高峻正與下句扶疏對文

文選箋證卷十六

六

張茂先鸚鵡賦

乘居匹游

注善曰列女傳姜后曰雉鳩之鳥猶未見其乘居而匹游旁證云今列女傳周宣姜后篇無此語仁智傳魏曲沃負云夫雉鳩之鳥猶未見其乘居而匹處也當卽此所引紹煥按淮南泰族訓關雉興於鳥而君子美之爲其鷦鷯之不乘居也

孔雀翡翠

注善曰漢書音義應劭曰雄曰翡雌曰翠顏監曰鳥各別異非雄鷦鷯異名也按楚辭招魂王逸注雄曰翡雌曰翠後漢書班彪傳注赤而雄曰翡青而雌曰翠

本書西都賦注引張揖上林賦注雄赤曰翡雌青曰翠皆與應說合然說文翡赤羽雀也翠青羽雀也志翡大於鷄小於烏腰身通黑唯胸前背上翼後有赤毛翠通身青黃唯六翮上毛長寸餘其飛即羽鳴翠翠翡翡因以名焉說翡翠最為分析亦無翡雄翠雌之說師古所辨近是

背距足以自衛

注善曰西京賦曰背距為力鉞旁證云此吳都賦語善偶誤記耳

有翩翩之陋體

文選箋證卷十六

七

注善曰字林曰翩疾飛也說文曰翾小飛也按翾翾皆小飛也易泰翩翩不富釋文引向注翩翩輕舉貌輕舉即小飛之意翾與扁通詩巷伯釋文翾字又作扁扁之言邊也卑也故從扁之字皆有小義廣韻扁小舟也說文翾似翾小飛為翾猶之小舳為舳小舟為扁耳

翳蒼蒙龍

注善曰孫子兵法曰林木翳蒼草樹蒙龍孫氏志祖曰今武經載孫子行軍篇軍旁有險阻潢井林木兼葭翳蒼者必謹索之無草樹蒙龍句蓋經魏武刪節今非完書也紹煥按本書南都賦天台賦注引並

有草樹蒙龍四字而御覽卷三百之六引亦無惟作軍旁有險阻蔣潢并生葭葦小林翳蒼者又與今本不同

鵬鷖介其背距

注善曰言因背距而為人用也按注云因背距是訓介為因本左傳杜注又史記南越尉佗傳索隱引志林介者因也今按介者恃也漢書南粵傳顏注介恃也此言恃其背距故下云咸美羽而豐肌故無罪而皆斃

戀鍾岱之林野

善曰如淳曰鍾所在未聞畢氏沉曰北山經鍾山之

文選箋證卷十六

八

神名曰燭陰淮南子燭龍在雁門北是知鍾山在雁門北矣今山西朔平府北塞外西至榆林府北境陰山是也陰鍾蓋聲相近旁證云何校岱改代據注引漢書地理志文也晉書仍作岱紹煥按本書七發鍾岱之牡注引呂覽代以馬郡作代而正文亦作岱朱氏右曾曰漢書趙地鍾岱石北正作岱非譌也古多假借耳

海鳥鵲鷖

攷異曰當依晉書作爰居善引國語正作爰居五臣翰注乃作鵲鷖紹煥按爾雅爰居雜縣莊子至樂篇釋文引司馬彪云爰居舉頭高八尺並作爰居無從

烏旁者五臣作鵠鵠爲俗字

顏延年赭白馬賦

軍歌趨迅

注善曰庾中丞昭君辭曰聯雪隱天山崩風盪河漢朔障裂寒笳冰原嘶代獸以韻言之蓋馬名也入字臣本依六顏庾同時未詳所見按獸之言伏也獸與上尙字對言不以國之所尙威容軍之所伏趨迅而已

疇德瑞聖

注善曰疇昔也按疇古無訓爲昔者禮記檀弓予疇昔之夜鄭注疇發聲也疇與儔同儔等也注中昔當爲等字之譌

祕寶盈於王府

注善曰周禮曰王府掌王之金玉玩好尙書曰王府則有按注玉王互引此亦如魏都賦注庶土庶士之例

簡偉塞門

注善曰塞紫塞也有關故曰門塞或爲寒非也汪氏師韓曰馬生北地卽作寒門亦可楚辭遠遊踔絕跟於寒門張衡思元賦望寒門之絕跟今應德建章臺集詩言我寒門來注淮南子北極之山曰寒門高誘曰積寒所在曰寒門紹煥按善以塞爲紫塞本古今注爲北夷之界漢書鄧通傳注東北謂之塞是也

文選箋證卷十六

九

寒門乃北極山名積寒所在非生馬地不得據駁文以生異說

進迫遮迺

注善曰漢書音義晉灼曰迺古列字按正文本作遮迺注引晉灼迺古迺字漢書鮑宣傳男女遮迺注引晉灼曰迺古列字列亦當爲迺傳寫者脫去走旁耳禮樂志注引晉灼曰迺古迺字不誤說文迺遮也列分解也則迺非古列字甚明廣韻亦云迺古迺字

流藻周施

注善曰流藻周流藻畫也按流與藻同藻采藻也藻采下垂謂之流旌旗下垂謂之旒其義一也

文選箋證卷十六

十

經元蹄而電散歷素支而冰裂

注善曰元蹄馬蹄也素支月支也皆射帖名也邯鄲洧藝經曰馬射左邊爲月支二枚馬蹄三枚也按本書白馬篇控弦破左射右發摧月支仰手接飛猿俯身散馬蹄注亦引邯鄲洧藝經

纖驪接趾

注善曰李斯上書曰乘纖驪之馬今本書諫逐客書驪作離說詳彼按六臣本注作驪不成字當本作離正文同

觀王母於崑崙

旁證云毛本據作崑崙紹煥按此後人因注引列仙傳

而妄改耳

要帝臺於宣嶽

注善曰山海經曰鼓鐘之山帝臺之所以鴈百神也郭璞曰帝臺神人名山海經有宣山今並見中山經宣山其上有桑名曰帝女之桑賦蓋指此而借用帝臺字

鑿武穆

按依法則武穆二字誤倒宜乙正

於時駟駿

注善曰說文曰駟壯也本書廣絕交論注引作駟壯馬也此脫馬字今說文駟壯馬也疑誤

文選箋證卷十六

鮑明遠舞鶴賦

鍾浮曠之藻質

注善曰曹植九詠章句曰鍾當也按鍾聚也左昭二十八年傳而天鍾美於是杜注鍾聚也謂氣之所聚也

引員吭之纖婉

旁證云說文繫傳亢喉吼也舞鶴賦引員亢之纖婉本作此字紹煥按吭俗字古皆作亢陳亢字子禽取名字相配也

崢嶸而愁暮

注廣雅曰崢嶸高貌朱氏琚曰崢嶸即崢嶸廣雅釋

詰崢嶸深也又釋訓崢嶸深冥也無訓高貌者惟本書天台山賦注引字林曰崢嶸山高貌廣雅二字或字林之誤

燕姬色沮

注善曰左氏傳曰齊侯伐北燕燕人歸燕姬按燕姬猶云齊娥鄭女趙媛也梁劉孝綽亦有燕姬奏妙舞之句善注疑非賦意而旁證載葉氏樹藩據拾遺記謂卽燕昭王廣延國獻舞者二人曰旋娟曰提嫫亦出於附會

文選箋證卷十六

主

文選箋證卷十六

文選箋證卷十七

聚學軒叢書第五集

續溪胡紹煥學

貴池劉世珩校刊

班孟堅幽通賦曹大

飄飄風而蟬蛻兮

注曹大家曰飄飄飄也漢書作絲顏注絲讀與由同由從也按顏讀非也作飄與飄風義貫漢書作絲同音之假說文旗旌旗絲也絲卽今搖字史記蘇秦傳莫不盡絲索隱絲搖動也周官追師注其遺象若今步絲字並作絲亦作飄爾雅扶搖謂之猋釋文字林作飄然則搖動字本作搖亦借絲爲之飄蓋俗字違世業之可懷

文選箋證卷十七

注曹大家曰違恨也違或作悵亦恨也漢書作悵顏注悵與瞠同是也旁證曰說文瞠重文悵云籀文瞠從心則悵卽瞠字言是世業也紹煥按書五者來備漢書李雲傳作五氏氏與是通荀爽傳作五瞠瞠卽是也敘傳作悵悵爲籀文瞠顏注得之

靖沿處以永思兮

注曹大家曰言已安靜長思靖作靜與正文異儀遺識以臆對

注應劭曰依其遺識文以胸臆爲對也按臆與意同本書鵬鳥賦請對以臆漢書作意可證儀擬也言擬遺識而以意對之也作臆者借字耳

助听寤而仰思兮

注韋昭曰音味又音忽按助當作助從日旁助味音同則助卽味矣史記司馬相如傳習爽司馬貞引三倉習爽早朝也音味字林音忽漢書郊祀志冬至習爽史記封禪書作味爽說文習尙冥也味一日闇也二字音義並同古多通用

孟孟晉以迨羣兮

注曹大家曰孟勉也旁證云此爾雅釋詁文今郭注劉孟未聞楊氏錫山曰龜本同猛聲孟勉龜勉也邵氏晉涵曰洛誥汝乃是不獲獲孟聲之轉馬融曰獲勉也紹煥按錢氏大昕說同見養新錄

文選箋證卷十七

承靈訓其虛徐兮

注曹大家曰虛徐狐疑也詩曰其虛其徐按毛詩作其虛其邪箋云邪讀如徐管子弟子職志無虛邪亦讀如徐賦作虛徐蓋固學魯詩者注引詩作虛徐亦當爲魯詩

於盤桓而且俟

注曹大家曰於立也盤桓不進也漢書作伫張晏曰伫久也按爾雅釋詁伫久也張本雅訓却風燕燕伫立以泣傳伫立久立是也伫有久義說文二辨積物也貯積也本書天台山賦善注二猶積也積亦久也楚辭怨上篇伫立今切切亦謂久立王注伫停也停

亦積久之意曹注以爲立則詩與楚辭伋立義爲重復古無訓伋爲立者自此注始而說文新附遂云伋久立也後人又別出於字殊乖古訓矣

鮮生民之晦在

注曹大家曰鮮少也晦亡幾也言天地無窮極民在其間上壽百二十年少者亡幾耳按戴氏震解毛詩蓼莪鮮民之生云春秋傳葬鮮者謂不得以壽終爲鮮鮮似有少福之意今據以釋此謂天地無窮極故民生不得壽終有時而晦耳晦正足成鮮字之義與曹注亦合

上聖迕而後拔兮

文選箋證卷十七

王

注曹大家曰迕觸也善曰曹大家以寤爲迕也攷異曰六臣校云善作迕五臣作寤非也善亦作寤故云曹大家以寤爲迕若作迕此注不可通矣紹煥按後注云曹大家以乃爲內善本仍作乃與此例同攷異校是也

變化故而相詭兮

按故亦變也謂不常之意荀子王霸篇不敬舊法而好作故楊倞注故事變也淮南主術篇是以上多故則下多詐高誘注故詐也許變義同是故爲變也

叛迴穴其若茲兮

注曹大家曰迴邪也穴僻也善曰韓詩曰謀猶迴穴

按韓詩作歎見釋文此引作穴所據者異也本書西京賦注又引作回次薛君曰回次邪僻也次當歎字之誤今毛詩作回通說文通回辟也然則通爲正文穴歎皆同音之假

張修禪而內逼

注曹大家曰有張毅者高門懸簿無不趣義也行年七十而有內熱之病以死今呂覽必已篇載此事高誘注幽通記曰張修禪而內逼此之謂也情欲篇注引同按善注謂與神遇班固蓋託神仙以紀事故當時亦謂之記

安惛惛而不苑兮

文選箋證卷十七

四

注曹大家曰惛惛亂貌按此用論語微子篇惛惛者天下皆是也文今論語作滔滔惛惛古通集解引孔注滔滔周流之貌皇侃疏同鄭本作悠悠悠悠正周流之意此云亂貌與孔鄭異解苑避也苑與肥同易遯六二肥遯諸家必有訓肥爲避者九師道訓曰遁而能飛吉孰大焉以肥爲飛亦謂避也字通作腓小雅采芣小人所腓傳腓避也漢書顏注苑音扶味反字本作腓其音同

免盜亂爲賴道

注應劭曰子路得免盜與亂聞道於仲尼也按賴道謂善道論語泰伯篇守死善道是也孟子告子富歲

子弟多賴注賴善也廣雅同

恐魍魎之責景兮

旁證云魍魎當作罔兩應劭注同蓋六臣本作魍魎善同作罔兩其注中作罔兩者善注也漢書兩作魍然顏注引莊子仍作兩紹煥按罔兩善引司馬彪爲罔兩本屬寓言故莊子釋文引崔注云罔兩有無之狀猶楚辭哀時命神罔兩而無舍兮注罔兩無所依據無取木石之怪曰魍魎也然左宣三年傳魍魎罔兩亦無鬼旁惟魯語作魍魎耳

平瀾大於南汜

注善曰毛詩曰江有汜曹大家曰汜涯也按南汜猶

文選箋證卷十七

五

云南方淮南道應訓而航在一汜一汜卽一方故高注云汜水涯也書顧命夾兩階凡某氏傳堂廉曰凡義亦同也公羊僖元年自南埃何注埃厓也汜與埃音義亦近秦風蒹葭在水之涘猶之在水一方是南汜卽南方賦特借以協韻耳非水之決復入也

贏取威於伯夷兮

漢書六臣本俱作百儀按注引應劭曰贏秦姓伯益之後伯益在唐虞爲有儀鳥獸百物之功是本作百儀今作伯夷涉注而誤王氏念孫曰威德也言伯益有儀百物之德而贏氏以興百儀與三止相對爲文姜本支乎三趾

漢書作三止按應劭曰止禮也齊伯夷之後伯夷爲虞舜典天地人鬼之禮是以止爲禮鄒風相鼠人而無止猶之人而無禮本書思元賦亦云止禮也作趾義無所取

重醉行而自耦

顧氏炎武曰文公名止用一字本於踐土載書定四年傳祝佗述踐土之盟其載書曰晉重是也紹煥按文人割裂名字不必皆有所本王莽字巨君上云巨滔天而泯夏兮用一巨字又何本乎惟西征賦重戮帶以定襄以重耳爲重或本此耳

東鄰虐而殲仁兮

文選箋證卷十七

六

漢書東鄰作山顏注山古鄰字旁證云隸釋載安平相孫根碑至於東叩大虐戕仁蓋出於此叩卽山字戕卽殲字

皓頤志而弗傾

漢書傾作營顏注無所營屈王氏引之曰營者惑也言自養其志而不惑於利祿也文選作弗傾蓋後人不曉營字之義而妄改之耳

俟草木之區別兮

注曹大家曰俟候也漢書作俟六臣本作候此作俟誤

實棐諶而相訓

注曹大家曰相助也訓教也善曰訓或爲順旁證云漢書訓作順顏注言天道惟誠是輔惟順是助旁證云此亦昭明諱順而改之紹煥按曹大家注訓教也似本作訓非昭明改也漢書作順古字通

謨先聖之大猷
注曹大家曰謨謀也善曰毛詩曰匪大猷是經或作繇字誤也按此用小雅巧言篇秩秩大猷聖人莫之傳莫謀也曹注本此謨與莫同

惟聖賢兮
旁證云五臣本及漢書並作賢聖是也此傳寫誤倒聖與命爲韻

張平子思元賦注舊

匪仁里其焉宅兮

舊注里宅皆居也後漢書章懷注論語孔子曰里仁爲美宅不處仁里宅皆居也與舊注同按賦文當用古論語以宅爲擇劉璠梁典署宅歸里仁亦作宅宅擇二字古通宅之言度也度亦擇也釋名宅釋也注以宅爲居殊非語意

潛服膺以永靖兮

注善曰方言曰靖思也靖與靚同字林曰靖審也按正文本作靚故注引方言而云靖與靚同後漢書亦作靚章懷注引前書音義曰靚與靜同是也說文靜

審也正字當作靜靖靚並同音之假

竦余身而順止兮

舊注竦立也後漢書章懷注竦企立也王氏念孫曰竦敬也言敬余身而循禮也說文竦敬也字或作聳周語身聳除潔外內齊給敬也身聳卽此所謂竦余身也足辭昔殷武丁能聳其德章注聳敬也紹煥按竦謂動余身而循禮猶之動容中禮也本書海賦莫弘莫竦善注竦動也

志搏搏以應懸兮

舊注搏搏垂貌善曰毛詩曰勞心搏搏言憂勞也按今詩作搏搏檜風勞心搏搏入兮傳言憂思搏搏不解搏

文選義證卷十七

八

與博團並同今猶言團結故下云誠心固其如結字

又作專宋玉九辨意專專之不可化兮是也

繡幽蘭之秋華兮

舊注繡系也善曰通俗文曰各本作說文曰繫幃曰

繡幃一名繡爾雅曰婦人之幃謂之繡今之香囊在

男曰幃在女曰繡然繡卽係幃之繩也說文曰繡維

綱中繩按善以幽蘭爲香囊所貯故因繡而及幃從

郭注香囊之說實則繡爲所係之繩引申之亦得謂

系爲繡說文及通俗文是其本義舊注正引申之義

於賦意尤合

允塵邈而難虧

舊注塵久也按塵久本釋詁文郝氏爾雅義疏云塵者陳之假史記平準書於是大農陳集解引韋昭云陳久也亦轉爲蒸東山詩蒸在桑野箋云蒸久也今登萊人謂時之久者或曰蒸日或曰鎮日或曰塵日旦獲譌於羣弟兮

按以管叔爲周公弟與孟子不合焦氏循正義云列女傳母儀篇太姒生十男長伯邑考次武王發次周公旦次管叔鮮白虎通姓氏篇文王十子引詩傳曰伯邑考武王發周公旦管叔鮮呂氏春秋開發篇管叔周公弟此以周公爲管叔之兄也周氏柄中云鄧析子無厚篇周公誅管蔡此於弟無厚也傅氏通志篇管叔蔡叔弟也爲惡周公誅之又舉賢篇周公誅弟而典型立漢晉諸儒固有以管叔爲周公弟者平子當亦本此

嗟孰可爲言已

按嗟當爲羌字之誤也後漢書作羌章懷注羌發語辭也良注嗟嘆辭蓋五臣本誤作嗟後人因據以改善耳

惡既死而後已

旁證云六臣本惡作要後漢書同紹煥按要約也作惡乃形近之誤本書幽通賦要沒世而不朽兮意與此同

繫腰裏以服箱

注善曰馬中立切今賦作繫字按說文馬絆足也从馬○其足引春秋傳曰韓厥執馬前讀若輒或从系執聲是馬爲正字繫爲或體今經典通作繫辯貞亮以爲鞶兮

舊注鞶所以帶佩也善曰說文曰鞶覆衣大巾也从巾般聲或以爲首飾字林曰鞶帶也禮記曰男鞶革女鞶絲鄭元曰鞶小囊盛悅者按辯爲交結則鞶當爲鞶帶之鞶下云雜技藝以爲珩鞶正所以佩珩善引字林鞶帶也與韋注合其引說文从巾般之帶及禮記鄭注云云疑出後人所增六臣本無

昭綵藻與瑀瑀兮

五臣及後漢書並作瑀瑀按瑀當爲瑀瑀瑀經籍多連文漢書揚雄傳除瑀瑀之巧注瑀刻鏤也東方朔傳陰奉瑀瑀刻鏤之好注瑀謂刻爲文也王吉傳工不造瑀瑀注瑀者刻鏤爲文此謂昭其文耳於瑀義無取

咨妬嫖之難並兮

注善曰妬惡也後漢書及五臣本並作妬章懷注妬忌也音胡故反按妬古無訓爲惡者顏氏家訓云作妬字誤而爲妬蓋由妬妬形近易譌善本當亦作妬利肥遯以保名

舊注上九日肥遯无不利謂去而遷也九師道訓曰
遷而能肥吉孰大焉六臣及後漢書肥並作飛按作
飛是也六臣七啟飛遯離俗善注引九師道訓亦作
飛此正文及注皆作肥蓋後人以今周易改之幽通
賦字又作葩何氏楷古周易訂詁曰金陵攝山碑亦
云緬懷飛遯
或冰折而不營

舊注毀折不可經營故曰不營按營者惑也謂冰折
而不惑也古多假營爲營呂覽尊師篇心無所營注
營惑也淮南原道訓精神亂營注同

遊塵外而營天兮

文選箋證卷十七

上

舊注營裁見也王氏念孫曰營讀爲擊擊也拂也言
鶴遊塵外而上拂天也說文擊擊也字或作撇漢書
揚雄傳甘泉賦浮蔑蒙而撇天師古曰撇猶拂也善
引張揖三倉注同作營者借字耳紹煥按本書洞簫
賦擊涕收淚善注引說文擊拭也拭亦拂也今猶言
拂拭

歸母氏而後甯

注善曰此假卜者之辭也元鳥謂鶴也母氏喻道也
言子有故於元鳥惟歸於道而後獲甯也老子曰天
下有始以爲天下母既得其母又知其子河上公曰
道爲天下物母也韓非解老曰母者道也按此注中

間又有古文周書日至反王子于后一百七十六字
六臣本注無顧氏廣圻謂出尤本所增

漱飛泉之漚液兮

注善曰漱蕩口也所右切王氏引之曰善以漱爲蕩
口非也漱當爲漱說文漱吮也玉篇所各切字或作
嗽眾經音義二引三倉曰嗽吮也又引通俗文曰含
吸曰嗽釋名嗽促也用口急嗽也其或作漱者假字
耳楚辭九章漱凝霜之雰雰遠遊篇漱正陽而食朝
露劉伶酒德頌曰銜杯漱醪陸衡文賦曰漱六藝之
芳潤以上諸漱字皆音所角反說者多讀爲盪漱之
漱音所又反非也今俗語猶謂含吸曰嗽音如煩數
之數

文選箋證卷十七

三

翺鳥舉而魚躍兮

舊注廣雅曰翺飛也王氏念孫曰翺者疾也猶言倏
鳥舉而魚躍也方言僂疾也僂與翺通荀子不苟篇
小人喜則輕而翺韓詩外傳翺作快快亦疾也紹煥
按非相篇鄉曲之僂子注僂與翺義同是翺爲疾也
楚辭東君翺飛兮翠會王注言巫舞工巧身體翺然
若飛亦以翺爲輕疾之意

何道貞之淳粹兮

旁證云作貞誤觀善注引幽通賦道真可見紹煥按
後漢書及六臣本俱作道真此涉注引楚辭除穢累

而反貞句誤

去穢累而飄輕

六臣本作影後漢書作票章懷票匹妙切猶飄飄也按票亦輕也說文票輕也廣雅同郭注方言音飄飄之飄史記禮書輕利剽遼荀子議兵篇剽作票周官草人輕票用犬輕票連文與此同此倒言之耳

餐沆瀣以爲糧

舊注沆瀣夕霞也善曰楚辭曰餐六氣而飲沆瀣兮漱正陽而食朝霞陵陽子明經曰夏食沆瀣北方夜半氣按善引見遠遊篇王逸注陵陽子明經言春食朝霞朝霞者日始欲出赤黃氣也秋食淪陰淪陰者

文選箋證卷十七

三

日沒以後赤黃氣也冬食沆瀣沆瀣者北方夜半氣也夏食正陽正陽者南方日中氣也并天地元黃之氣爲六氣然則沆瀣爲北方夜半氣非夕霞矣善引作夏食沆瀣夏字疑誤本書琴賦注同

顧續處此湘濱

六臣本作顧續後漢書續作顧章懷注續弁也此顧字誤作顧致異曰作續者恐涉下文續連顧兮紛暗暖而誤紹煥按翰注顧續美貌則作續爲五臣本越卬州而遨遊

舊注卬州正南州名也四海圖曰交廣南有卬州其處極熱善音五郎切余氏音義曰後漢書注引河圖

地有九州八注東南神州曰晨土正南卬州曰深土旁證云後漢書正文及注皆作卬章懷無音未知孰是紹煥按困學紀聞四引河圖亦作卬然據初學記作迎隋書則當爲卬以本卬字誤增是旁耳

溫風翕其增熱兮

舊注說文曰翕熾也按說文無此語廣雅卷三翕熾也方言同疑說文二字誤

顧羈旅而無友兮

舊注顧獨也按顧獨貌非卽訓爲獨說文顧讀若魁與傀音近荀子性惡篇則傀然獨立於天地之間注傀然獨居貌字亦作魁漢書東方朔傳魁然無徒顏

文選箋證卷十七

四

注魁讀若塊塊卽傀字

顧金天而歎息兮

舊注金天少昊位也按金天蓐收也蓐收爲金天少昊氏之子故蓐收亦蒙金天而言海外西經西方蓐收左耳有蛇乘四龍郭注金神也左昭廿九年傳金正曰蓐收晉語如君之言則蓐收也韋注蓐收西方白虎金正之官也蓐收在西故下云吾欲往乎西楚辭遠遊遇蓐收乎西皇亦此意

吾欲往乎西嬉

注善曰說文曰嬉樂也按許書女部無嬉人部僖樂也與此不合後漢書章懷注嬉戲也蓋卽娛字許其